

Vaša iduća velika avantura počinje ovdje!

UZBEKISTAN

Tamo gdje pustinje šapuću legende, a gradovi pričaju priče hiljadu i jedne noći.

Pridružite nam se na ovom nezaboravnom putovanju u terminu: **15 – 23.05.2026.**

TURKISH AIRLINES – URGENCH – KHIVA – BUKHARA – SAMARKAND – TAŠKENT – POLUPANSIONI
2 VOŽNJE BRZIM VOZOM – HOTELI 4 i 5* - PREDSTAVNIK AGENCIJE NA PUTOVANJU – LOKALNI
TURISTIČKI VODIČI – HOTELSKE TAKSE UKLJUČENE - SVI IZLETI UKLJUČENI*

ALL INCLUSIVE



PROGRAM PUTOVANJA

1. DAN 15.05.2026. / SARAJEVO – ISTANBUL – URGENCH

Sastanak putnika na aerodromu Sarajevo u 18:30h. Priprema za let Sarajevo – Istanbul. Let je planiran u 20:40 h. Dolazak na aerodrom Istanbul planiran je u 23:40 sati. VAŽNO: Putnici predaju prtljag na aerodromu Sarajevo, a preuzimaju na aerodromu u Urgenchu.

2. DAN 16.05.2026. / ISTANBUL – URGENCH – KHIVA (Hiva)

Nastavak leta Istanbul – Urgench planiran je u 01:20h. Dolazak na aerodrom **Urgench** planiran je oko 07:10 sati. Po slijetanju na aerodrom Urgench, preuzimanje prtljaga, obavljanje pasoških i carinskih formalnosti, te bus transfer do **Khive** (30 km). Dolaskom u Khivu odlazimo do hotela gdje ćemo imati **doručak** i osvježenje prije polaska u kratki razgled grada obzirom da je prijavu u hotel moguće uraditi tek od 15:00h (*u slučaju da hotel bude u mogućnosti da nam dodijeli rani check in, malo ćemo odmoriti u sobama pa nastavljamo sa razgledom grada*). Program nastavljamo sa razgledom grada. Prvo ćemo posjetiti pravi muzej na otvorenom odnosno arhitektonski kompleks **Ichan Kala** koji čini staru gradsku jezgru Hiva, a nalazi se pod zaštitom *UNESCO-a*. Kroz splet slikovitih uličica vidjet ćemo džamije, medrese, mauzoleje, radionice i stare hanove gdje se i danas odvija trgovina. Najznačajniji spomenici i građevine koje ćemo vidjeti su medresa **Muhamed Amin Khan** koja je ujedno i najveća u Srednjoj Aziji (danas pretvorena u hotel), minaret **Kalta-minor**, kompletno prekriven glaziranom keramikom tirkiznih nijansi, te ujedno jedinstven u Središnjoj Aziji po svojoj arhitekturi. Nastavljamo s razgledom: **Džamija Džuma** čiji krov podupire 213 stubova od drveta, a svaki je isklesao drugi majstor; **Dvorac Tash Khauli**, ljetna rezidencija hanova Hiva, gdje je odlično sačuvan harem hana, **Mauzolej Pahlavana Mahmuda**, poznatog pjesnika i hrvača iz 14. st. Smještaj u hotel u poslijepodnevrim satima. Slobodno vrijeme za odmor i samostalno istraživanje

Khive. **Večera** u hotelu ili u nekom od orijentalnih restorana. **Noćenje.**

3. DAN 17.05.2026. / KHIVA – BUKHARA (480 km)

Rani doručak. Odjava iz hotela i polazak autobusom prema gradu **Bukhara** - jednom od najvećih i najživljih gradova Uzbekistana, a put nas vodi preko misteriozne **crvene pustinje Kyzylkum** i uz rijeku **Amu Darja**, pokrajinom Horezm koja se smatra najstarijom naseljenom regijom u današnjem Uzbekistanu. Nazivali su ju nekada još i „**Zemljom hiljadu tvrđava**“ zbog drevnih naselja. Po dolasku u Bukharu (cca 14:00h), smještaj u hotel i osvježenje.

Za Bukharu se govori da „*svetlost iz svete Buhare obasjava nebo, a ne ono zemlju*“, jer je toliko bila veličanstvena, blještava i raskošna. Bukhara je također jedan od turističkih dragulja Uzbekistana, a historijska jezgra uvrštena je na UNESCO-ov popis svjetske baštine. Smještena duž drevnog Puta svile, glavni razlog za posjet Bukhari su dobro održavane džamije, medrese i druga zadivljujuća arhitektura koja odgovara bogatoj istoriji grada.

Nakon odmora u hotelu slijedi odlazak do trga **Lyabi-Khauzu** koji čine tri monumentalne građevine – dvije medrese: **Kukaldosh** i **Nadir Divan-Begi** te han **Divan Begi**. Kratka posjeta te slobodno vrijeme za ručak i vlastite aktivnosti. Povratak u hotel. **Večera** u hotelu ili nekom od orijentalnih restorana. **Noćenje.**



4. DAN 18.05.2026. / BUKHARA

Doručak. Današnji cijeli dan je predviđen za istraživanje Bukhare, a najznačajnije znamenitosti koje ćemo posjetiti su **Mauzolej Ismaila Samanija**, zatim citadelu **Ark** sa zatvorom **Zindan**, kompleks **Poi-Kalyan** koji datira iz 12. st. i predstavlja simbol duhovne i kulturne moći grada tijekom stoljeća. Sastoji se od **Minareta Kalyan** sagrađenog 1127. godine i jedan je od najstarijih i najviših minareta u Srednjoj Aziji, **Kalyan džamija** iz 16. st., **Medresa Mir-i-Arab** koja je jedna najvažnijih islamskih škola u regiji. Nastavljamo dalje prema džamiji **Magoki Attori**, medresi **Ulugbek**. Obilazak ljetnje palate i **Nakšabandi** kompleksa. Danas također posjećujemo Bukarske bazare pod kupolama, također poznate kao trgovački centri pod kupolama, jedan su od najslikovitijih i najživopisnijih dijelova povijesnog središta Bukare. Danas ovdje možete pronaći suvenire, rukotvorine i tradicionalne proizvode; **Toki-Telpak Furushon** (Kupola prodavača šešira): Ovaj trgovački centar bio je poznat po prodaji tradicionalnih šešira, turbana i tekstila. Sada je popularan zbog svoje ponude tepiha, tkanina i suvenira; **Tim Abdullakhan**, ova tržnica je poznata po trgovini tkaninama i svilom, a njezina unutrašnjost pokazuje savršenstvo u arhitektonskom dizajnu sa zamršenim stropovima i dekoracijama. Slobodno vrijeme za vlastite aktivnosti. **Večera** u hotelu ili lokalnom restoranu. **Noćenje.**



5. DAN 19.05.2026. / BUKHARA – BRZI VOZ – SAMARKAND (280 km)

Doručak. Odjava iz hotela i nastavak obilaska Bukhare do odlaska na željezničku stanicu; Posjet znamenitostima poput mauzoleja osnivača jednog od sufijskih redova **Bahoutdina Nakšbandija** koji je živio u 14. st. Slijedi posjet palači **Sitorai Mohi Khosa** izgrađenoj u kasnim godinama 19. st., nekada rezidencija buharskog emira, a danas je u njoj muzej. Odlazak prema željezničkoj stanici u 14:30h i polazak **brzim i modernim vozom Afsrsiyab** za

Samarkand u 16:00h. Vožnjom od preko 200 km na sat i nakon samo 1h i 40min, dolazimo u **Samarkand**. Transfer prema hotelu. **Večera**. Slobodno vrijeme za vlastito istraživanje Samarkanda. **Noćenje.**

6. DAN 20.05.2026. / SAMARKAND



Doručak nakon kojeg slijedi cjelodnevni razgled fascinantne prijestolnice **Timurovog carstva**, čija se istorijska jezgra danas nalazi na popisu UNESCO-a. Ovu nezaobilaznu postaju na Putu svile krase dvorci i džamije, medrese i mauzoleji s visokim minaretima i pročeljima od najfinijih keramičkih pločica. Nebrojeno puta osvajanje, srušen sa zemljom i ponovo podignut kao feniks iz pepela, ovaj grad fascinira sa svojom slojevitom poviješću i bogatom baštinom. Upoznavanje s gradom započet razgledom

veličanstvenog Timurovog mauzoleja **“Gur-i Amir”**, carske grobnice Timura i njegovih potomaka, čija se arhitektura smatra prototipom sličnih spomenika u Aziji, a prije svega mogulskih grobnica poput npr. indijskog Taj Mahala. Zatim ćemo razgled nastaviti posjetom čuvenom trgu **Registan** koji je istorijsko i arhitektonsko čudo smješteno u srcu Samarkanda. Nastavljamo razgled posjetom džamiji **Bibi-Khanum**, najvećoj u srednjoj Aziji koja je izgrađena u 15. st., a koju je prema legendi sagradila Timurova omiljena žena, **Bibi-Khanym**, u čast njegovog povratka s putovanja u Indiju, a danas je jedna od najpopularnijih znamenitosti grada. Posjetit ćemo i najpoznatiji bazar u gradu Siab gdje ćete imati slobodno vrijeme za kupovinu suvenira i tradicionalnih slastica po kojima je poznat Samarkand kao i slobodno vrijeme za ručak.

Nastavak razgleda arhitektonskog kompleksa **Shah-i-Zinda**, što znači **“Živi kralj”**. Kompleks se sastoji od niza međusobno povezanih grobnica i mauzoleja, izgrađenih duž uske, strme ulice. Potom ćemo posjetiti **Ulugbegovu zvjezdarnicu iz 15. st.** koji je ujedno i svjetsko astronomsko čudo Srednjeg vijeka. **Večera** u hotelu ili lokalnom restoranu. **Noćenje.**

7. DAN 21.05.2026. / SAMARKAND – BRZI VOZ – TAŠKENT



Doručak. Odjava iz hotela. Nastavljamo razgled Samarkanda, posjeta **Muzeju Afrasiab**. Nakon toga odlazak do sela Konigil kako biste istražili tradicionalni način pravljenja samarkandskog papira od dudovog drveta. Lokalni stanovnici će Vam pokazati stare metode pravljenja ulja i prizvodnje brašna. Slobodno vrijeme do večernjih sati nakon čega slijedi transfer do željezničke stanice u Samarkandu odakle **brzim i modernim vozom Afrasiyab** putujemo prema Taškentu. Dolazak u Taškent. Transfer do hotela ili restorana za večeru. **Večera.** Slobodno vrijeme. **Noćenje.**

8. DAN 22.05.2026. / TAŠKENT

Doručak u hotelu. Taškent je odličan primjer spoja moderne gradske arhitekture i očuvanog starog grada, a razgled započinjemo u **starom Taškentu** u vjerskom kompleksu **Khasti Imam** koji obuhvata **Mauzolej Kaffal Shashi** (15. st) gdje je sahranjen **Imam Abu Bakr al-Kaffal Shashi**, cijenjeni islamski učenjak, **Medresu Barak Khan** (16. st.) poznatu po prekrasnim mozaicima i drevnoj arhitekturi te neizostavnu **Džamiju Muy-Mubarak** koja čuva poznati **Kuran** halife **Osmana**, za koji se vjeruje da je jedan od najstarijih primjeraka Kuran'a na svijetu. Džamija također čuva zlatnu vlas Poslanika Muhameda s.a.v.s., što je čini izuzetno značajnim religijskim lokalitetom. Razgled nastavljamo posjetom **Džuma-džamiji Khodža Akhrar Valija**, zatim **Medresi Kukeldash** (16. st.) koja nudi uvid u obrazovne i vjerske prakse tog vremena, a jedna je od najvećih i najpoznatijih medresa u Srednjoj Aziji te naposljetku **Medresi Abdulkasim** prekrasnom primjeru islamskih obrazovnih građevina iz 19. stoljeća. Obilazak orijentalnog bazara Chorsu sa fantastičnim bojama i nevjerovatnim kontrastom ljudi obučenih u čisto tradicionalnom i modernom zapadnjačkom stilu, gdje možete kupovati rukotvorine i probati lokalnu hranu. Nastavak razgleda novog dijela grada; **Trg Nezavisnosti**, simbol suvereniteta Uzbekistana koji sadrži impresivne



spomenike i okružen je vladinim zgradama; **Trg Teatra Navoi** gdje se nalazi **Opera** i **Balet Alisher Navoi**. Ovo je područje živahno i često domaćin kulturnih događanja, nudeći spoj klasične umjetnosti i modernog života te **Trg Amir Timur**, središnji trg posvećen velikom osvajaču Amiru Timuru (**Tamerlanu**). Kasno poslijepodne ćemo imati mogućnost provesti se **Taškentskim metroom**, čija svaka stanica je umjetničko remek djelo (*Doplata za metro karte na licu mjesta*). Slobodno vrijeme za šoping. **Večera** u lokalnom restoranu ili hotelu. **Noćenje**.

9. DAN 23.05.2026. / TAŠKENT – ISTANBUL – SARAJEVO

Odjava iz hotela i preuzimanje lunch paketa. Transfer do aerodroma Taškent. Prijava na let Taškent – Istanbul. Planirano vrijeme leta iz Taškenta je u 09:35 h. Napomena: putnici predaju prtljag na APT Taškentu, a preuzimaju na APT u Sarajevu. Dolazak na aerodrom Istanbul planiran je u 12:55h. Nastavak leta Istanbul – Sarajevo. Planirano vrijeme leta iz Istanbula u 18:50h. Dolazak u Sarajevo je planiran je 19:45 h. Kraj programa.

FIRST MINUTE CIJENA ARANŽMANA: 2380,00 KM + takse

REGULARNA CIJENA ARANŽMANA: 2490,00 KM + takse

NAPOMENA: FIRST MINUTE cijena aranžmana vrijedi za prvih 15 rezervacija i uplata akontacija ili najkasnije do 15.01.2026. god, nakon čega slijedi REGULARNA CIJENA aranžmana.

U cijenu putovanja uračunato je:

- Avio prevoz na relaciji Sarajevo – Istanbul – Urgench (Turkish Airlines)
- Avio prevoz na relaciji Taškent – Istanbul – Sarajevo (Turkish Airlines)
- Svi bus transferi autobusom visoke turističke klase prema programu
- Smještaj u dvokrevetnim sobama u hotelima 4* i 5* (lokalne kategorizacije)
- Doručak osvježenja po slijetanju
- 1 noćenje sa doručkom u Khivi
- 2 noćenja sa doručkom u Bukhari
- 2 noćenja sa doručkom u Samarkandu
- 2 noćenja sa doručkom u Taškentu
- 7 x večera u lokalnim orijentalnim restoranima ili hotelima prema programu putovanja
- Boravnišne takse u hotelima
- Ulaznice za objekte i lokalitete koji se posjećuju prema programu putovanja
- Voznu kartu economy klase za brzi voz na relaciji Bukhara – Samarkand
- Voznu kartu economy klase za brzi voz na relaciji Samarkand – Tashkent
- Lokalni vodič na engleskom jeziku tokom boravka u Uzbekistanu
- Pratioc grupe na našem jeziku koji sa grupom putuje iz Sarajeva
- Troškove organizacije putovanja.

U cijenu putovanja nije uračunato:

- Aerodromske i sigurnosne takse u Sarajevo, Istanbulu, Taškentu i Urgenchu 600 KM po osobi
- Obavezno međunarodno putno zdravstveno osiguranje 20 KM po osobi za osobe do 60 godina, za osobe od 60 do 75 godina 5 KM po danu,
- Obavezne napojnice za lokalne vodiče i vozače 30 € (plaćanje pratiocu grupe na polasku)
- Doplata za jednokrevetnu sobu po želji 490,00 KM
- Fakultativno – priprema tradicionalnog jela plov kod uzbečke obitelji u Samarkandu 10 EUR po osobi,
- Doplata za metro po želji
- Individualni troškovi

NAPOMENA PRTLJAG: Težina prtljage: 1 komad prtljage do 30 kg koji se predaje i 1 komad ručne prtljage koji možete sa sobom ponijeti u putničku kabinu, maksimalne težine 8 kg, dimenzija do 115 cm (55x40x20)

Plaćanje: Prilikom rezervacije uplaćuje se **40% od ukupne cijene aranžmana**, a ostatak iznosa **30 dana do polaska na putovanje**.

Program rađen na bazi 45 osoba. U slučaju nepredviđenih prilika, agencija LAMBADA BUGOJNO zadržava pravo promjene ili otkaza putovanja!